

UN POCO DI TUR COS

Josy M. Mansur

Hopi biaha bo ta sinti cu muskita ta picabo, pero bo tabata sa cu ta solamente muskitanan hembra ta pica? E machonan ta aparentemente mas pacifico.

Boris Pasternak: "Significacionnan ta cambia asombrosamente. Ora cu hende custumbra cu horroronan, esakinan ta bira e fundeshi pa bon estilo."

"Stonehenge" ta un monumento cu tin na Salisbury Plain, Inglatera, cu algun astronomico ta kere ta conserva conocimentonan astronomico avanza. E partinan mas bieu di e monumento ta data di 4500 aña pasa!

Atlas, den mitologia Griego, tabata un Titan cu a declara guerra contra Zeus. El a ser condena pa carga e cielonan ariba su schoudernan. Despues el a converti den un montaña.

Thomas Bailey Aldrich: "Semper tin un demanda grandi pa mediocridadnan fresco. Den cada generacion e sabornan menos cultiva tin e apetitonan mas grandi."

Na aña 1927, e Modelo T di Ford a caba su produccion fenomenalmente exitoso. E ultimo auto di e modelo ey cu a sali, o sea number 15,007,033, a bira e delaster di su tipo pa ser produci.

Na aña 323 Prome cu Cristo, Alexander a muri nam Babilonia. Despues di su morto, su Generalnan a dividi su Imperio entre nan mes.

William Hazlitt: "E manera pa conduci bo mes den mundo ta pa no sa mas ni menos, y no ta ni mehor ni peor cu bo bisiñanan."

Walter Diemer a inventa Bubble Gum na aña 1928. Di e tempo ey pa awor el a sufri hopi transformacion y awendia ta ser haya den tur sorto di envoltura y den tur sorto di tamaño.

Ta curioso pa mira con un producto ta cana a traves di siglonan y con e ta yega cierto pais. Tuma spageti como ehemplo. Marco Polo a trece spageti back for di su viahenan pa China. Thomas Jefferson, na su turno, y siglonan despues, a introducie na Merca na aña 1787.

Robert C. Ingersol: "Den e republica di mediocridad, inteligencia ta peligroso."

"Spica", si bo no tabata sa, ta un streya blanco-blou situa na 260 aña luz den e "Constelacion Virgo".

Sr.Epy Wever nombra secretario di Consejo di Ministro

ORANJESTAD(AAN)- Dia 1 di April proximo e funcion di conseho di Ministro lo ta vacante. E posicion aki tabata ocupa door di sr. Armando Muyale, desde 1 di Januari 1986.

Sr. Muyale a base di retiro voluntario a bandona servicio di Gobierno.


Dia 19 di Februari ultimo Consejo di Ministro a tuma e

decision pa nombra sr. Epy Wever pa ocupa e posicion aki cual funcion varios bez den pasado el a yega di haci, debi cu e ta e prome reemplazante despues di sr. Muyale. Esaki lo tuma lugar entrante 1 di April proximo.

Tambe Consejo di Ministro ariba e mes un fecha, esta dia 19 di Februari, a dicidi di nombra sr. Urbano Lopez, kende desde 1 di Januari 1986

a traha na e departamento di Legislacion y desde 20 di Februari na Consejo di Ministro como prome secretario reemplasando sr. Wever.

Alavez Consejo di Ministro a tuma e decision pa nombra sr. Urbano Lopez como secretario di Consejo di Ministro entrante 1 di Januari 1990, na momento cu sr. Epy Wever bay cu retiro voluntario.



Ayera Gobernador di Antiyas, Dr. R.A. Romer tabata di bishita na Aruba den cuadro di bishita di trabao cu Gobernador F.b. Tromp. Den oranan di merdia e dos Gobernadornan a bishita e proyecto "Renovacion Village y Esso Heights" alavez tambe e prison nobo na "De Vust". E mes un merdia Gobernador Dr. R.A. Romer a regresa Curacao.

BARATILLO-BARATILLO-BARATILLO



La Bienvenue
Havenstraat 35
Ora: 9.00 - 1.00 y 2.30 - 6.30
TA ANUNCIA SU

TREMENDO y GRANDIOSO BARATILLO

Cuminsa: 24 di februari pa solamente **UN SIMAN**

Ariba TUR mercancia. Prijsnan cu tabata: Afls.335,-

Awor pa: Afls. 50,-

Afls. 75,-

Afls.100,-

Tur Set di Saya pa Afls.75,-

Bistijnan pa Afls. 50,- y

Bin Probecha Pasobra Mester Traha Lugar pa Mercancia Nobo !!

Hoooooi
Descuento
mas!

